

MAJLIS AIDILFITRI BERSAMA DYMM RAJA PERLIS DAN DYMM RAJA PEREMPUAN PERLIS



23 Oktober 2007 - Raja Perlis, DYMM Tuanku Syed Sirajuddin Ibni Al-Marhum Tuanku Syed Putra Jamalullail dan Raja Perempuan Perlis, DYMM Tuanku Tengku Fauziah Binti Al-Marhum Tengku Abdul Rashid telah berkenan untuk berangkat menghadiri Majlis Aidilfitri Bersama DYMM Raja Perlis dan DYMM Raja Perempuan Perlis, anjuran Universiti Malaysia Perlis (UniMAP) yang diadakan di Dewan Kelab Golf Putra, 23 Oktober 2007 lalu. Turut berangkat hadir pada majlis itu, Raja Muda Perlis yang juga Canselor UniMAP, DYTM Tuanku Syed Faizuddin Putra Ibni Tuanku Syed Sirajuddin Jamallullail dan Raja Puan Muda Perlis, DYTM Tuanku Hajjah Lailatul Shahreen Akashah Khalil, wakil YAB Menteri Besar Perlis, Speaker Dewan Undangan Negeri YB. Dato` Hj. Che Sulaiman Shafie, Ketua Jabatan Negeri Perlis, Pegawai-pegawai Kanan Universiti serta para jemputan lain.

Para tetamu diraikan dengan jamuan makan malam dan turut dihiburkan dengan persembahan dari pelajar serta kakitangan UniMAP. Acara pada malam itu dimeriahkan lagi dengan persembahan daripada pensyarah dan pelajar antarabangsa UniMAP.

Sementara itu dalam ucapan aluan yang disampaikan Naib Canselor UniMAP, Y.Bhg. Kol Prof. Dato` Dr Kamarudin Hussin, berkata, hari raya bukanlah semata-mata untuk bersuka ria, tetapi yang lebih penting ialah untuk merapatkan hubungan kekeluargaan dan persahabatan yang sedia terjalin.

Katanya lagi, masyarakat tidak akan bahagia jika hubungan keluarga dan sahabat tidak wujud, malah Hari Raya adalah masa yang terbaik untuk kita menyemai perpaduan, hormat menghormati di antara satu sama lain.